



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCLXIII. Ioannis Papae VIII. Ad Lvdovicvm Et Carlomannvm Reges.
Rogat vt cum Carolo imperatore consentiant de reuocanda & Romam
mittenda Angelberga: vbi eam ita se custoditurum pollicetur, ...

urn:nbn:de:hbz:466:1-15967

procubiecta, quoniam haec tenus Dei timore postposito, multos tuæ iniquitatis lepra coquinasti, & tantorum malorum auctor esse non dubitasti, præcipimus te cum omni celeritate reuerti ad veram præfati pontificis tui satisfactionem cum filiis, & tuis omnibus complicibus: quorum inceptor adhuc malorum post tantas correctiones esse non timuisti, & eius salubribus monitis subditus, & subiectus existas. Omnibus tamen ecclesiæ deprædationibus in integrum restitutis, & secundum ipsius ecclesiæ priuilegium emendatis, atque solutis: quod si post huius nostræ præceptionis relectam epistolam in tua iniqua obstinatione perdurans, ut dictum est, ad præfatum pontificem tuum redire satisfaciendo contempseris, ex auctoritate Dei Patris, & Filii, ac Spiritus sancti virtute, beatorumque apostolorum Petri ac Pauli, & omnium sanctorum patrum, nostraque apostolica sanctiōne secundum iam dicti dilecti confratris nostri archiepiscopi, & episcoporum sententiam iam olim in te prolatam, iubemus te cum filiis & complicibus tuis omni ecclesiastica esse communione priuatum, & a cœtu, atque societate omnium Christianissimorum, utpote tantorum malorum perpetratores inconuertibiles, seclusos & damnatos existere; quoisque omnia, quæ perperam gessistis, emendando, canoniceque satisfaciendo, veniam condignam percipere mereamini. Data xv. Kalendas Martii, indictione xiv.

EPISTOLA CCLXIII.

IOANNIS PAPÆ VIII.

AD LVDOVICVM ET CARLOMANNVM
REGES.

Rogat ut cum Carolo imperatore consentiant de reuocanda & Romam mittenda Angelberga: vbi eam ita se custoditurum pollicetur, ut contra ipsos moliri nihil possit.

Ludouico & Carломanno regibus, & Hugoni abbatи.

NOSSE volumus vestram dilectionem, quia spiritalem filium nostrum Carolum serenissimum imperatorem Romæ nobiscum degentem rogauimus, ut spiritalem fi-

Concil. Tom. 24.

Qq ij

Iiam nostram Angelbergam Deo deuotam, quæ se sancto Petro apostolo, & nobis, cum suis omnibus commendauerat ; quam etiam coniux illius diuæ memoræ Ludo-
uicus Augustus adhuc viuens nostra tuitioni specialiter submisera-
t, ab exulatu reduceret, & apud nos eam Romam, vbi nulla iam de illa sinistra suspicio oriri posset, pro amore Dei, & Christi clauigeri ipsius beati Petri apostoli, simulque nostro dirigeret. Quod ille libenter se facturum promittens, quantum comperimus, vestrum super hoc præstolatur assensum. Et quidem nos de communi dilectione & pace sive concordia vestra gaudemus, & Deo pro hoc innumeris grates referimus. Sed tantum de ipsis spiritalis filiæ nostræ recuperatione & reditu vos deprecamur, quantum, si ipsa ad nos reducta fuerit, ut nihil penitus iam, vel contra eumdem imperatorem, vel contra vos agere possit, nostris vos attestationibus certissimos reddimus. Idcirco iuncta vestra deuotio cum eiusdem Augusti obedientia, absque omni protelatione, iam dictam Deo deuotam feminam, quam ad limina apostolorum, a quorum confessione altarium nostro semper tuendam præsidio suscepimus, pro amore Dei & nostro remittere, quantum in vobis est, non omittatis. Quia si hic apud nos rediens habitauerit, tanta custodia circumspæcta, nobis credite, erit, ut nec Bosoni, nec alii homini, ad perturbationem imperii, sive regni, quodlibet adiutorium vel auxilium verbis aut scriptis præbere quoquomodo valeat. Verumtamen vnum est, quod vobis veraciter, & vnde occasionem vos ad nos contemnendum non possitis assumere, hoc ecce proponimus: scilicet, si eamdem Angelbergam vel in modico contra imperiale aut vestram voluntatem aduersi quippiam moliri aut velle manifestis cognouerimus indiciis, præsentialiter illam reddere ac remittere imperialibus fatagibus obtutibus: quatenus quæ disciplinam forte recipere, quod nec optamus, distulerit, non solum mundana vestra iudicia non euadat, verum etiam nec nostram miserationem, quæ delinquentibus parcere consuevit, inueniat. Ideoque, carissime fili, estote in hoc nostri cooperatores & adiutores, & audiat nos continuo excellentia magnitudinis vestræ, vt & vos a Domino exaudi mereamini, & per felicia tempora regni gubernacula

moderantes, cum Christo regnum, quod finis nullus angustat, intercedentibus beatis apostolis, capessere valeatis. Data iv. Idus Martias, indictione xiv.

EPISTOLA CCLXIV.

IOANNIS PAPÆ VIII.

AD CLERVM MEDIOLANENSEM.

Recipit Hadericum sub tutela sedis apostolicæ, & excommunicat omnes, qui illi, vel eius ecclesiis molestiam intulerint.

*Omnibus reuerendissimis episcopis & sacerdotibus, seu clero,
ac populo sanctæ Mediolanensis ecclesiæ.*

BONI patrisfamilias, quem bene & fideliter laborantes remunerasse cognoscimus, informati exemplo, ex apostolicæ auctoritatis & miserationis magisterio, seu benevolentia, omnibus, quos pro ecclesiæ Dei utilitatibus fideliter desudare conspicimus, subuenire debentes, opportunum ac necessarium nos oportet præbere auxilium. Igitur quia te Hadericum venerabilem presbyterum, & abbatem sacrorum monasteriorum beatorum scilicet Geruasii & Protasii, atque Simpliciani, nec non ex xenodochiis * sanctorum Cosmæ & Damiani, quod Romanorum dicitur, & alia tua beneficia, vel patrimonia intra vel extra ciuitatem Mediolanensem constituta, fidei deuotione, totoque mentis conamine, pro pristino statu & vigore, atque restitutione sanctæ Mediolanensis ecclesiæ ter quaterque in obsequio Ansperti reuerendissimi archiepiscopi tui, atque confratris nostri deuotum, atque in omnibus fidelissimum permanere, atque decertare omnino, & euidenter comperimus, & legationem Ambrosianæ ecclesiæ catholica fide, te & prout vires suppleuerunt, ardentissimo ardore explere, crebro cognouimus. Et ob hoc aliquos contumaciæ liuore aduersum tuam commotos esse dilectionem, vel ob alias causas intuidiæ, qui & modo labiis dolosis zeli contra te concitati, & postmodum callidis argumentis nocuam tibi moliuntur, nostro statuto decernimus, atque Dei omnipotentis auctoritate, beatique Petri apostolorum principis, & nostra sanctione statuimus, nullivnquam archiepiscoporum, vel sacerdotum, aut cuius-

Qq iij